

PƆLU KALATA'N M'Ɔ LILI MUA HELELI NWANLIN TIMOTE'N

M'Ɔ wƆ nun'n

Timote fi Likawonin mân nun kulo'n mƆ be fɛɛ yí Lisitili nun asu (Junman 14.6). Ɛne be fɛɛ mân sƆ'n Tuluki mân. Timote así'n tí *Gelekí sƵanlan yê yí nin'n tí Zufu balasua. Pɔlv junman'n m'Ɔ lili Ɔ bɔli Zozi anwɔn Ejɔlekpa'n Lisitili kulo nun asu'n, Timote nɔn yí nin Eninsi nɔn yí nin anin diɛ Loyisi kɔ fa bé nwɔn kɔ man Zozi. Mɔ Pɔlv salí hɔli Lisitili elɔ'n, Ɔ falí Timote bɔli yí nwɔn maan Ɔ bukali yí be lili yé Mɔn junman'n (Junman 16.1-3).

Kalata ehi anun, ye nwun yí ke Pɔlv fi Efɛzi kulo'n m'Ɔ wɔ Azi mân nun asu, Ɔ'a hɔ Maseduanun mân nun. Mɔ Ɔ 'kɔ'n, Ɔ kɔ yaci Timote Efɛzi ebɛɛ ke Ɔ tótua ato ngehelefuɛ'n-mɔ atɔn (yí tí 1.3). Pɔlv heleli kalata sƆ'n, Ɔ wowulali Timote anwɔnsele Ɔ nɔn afutu kpa m'Ɔ tɔ de yí junman'n m'Ɔ di yí asɔnɔn nun anun'n.

Kalata nun ati 1, 4 nɔn 6 nun anun, Pɔlv le kan bé mɔ be kekele ato ninngɛ be yaci ananhɔle nun anwɔn ejɔɛ. Ato ninngɛ sƆ'n-mɔ tɔ de Nyanmian mala'n Ɔ nɔn Zozi anwɔn dedi'n. Kalata nun ati 2, Pɔlv le kan kele asɔnɔn mma'n-mɔ ke be yó mmɔtɔɛ, ɛɛ Ɔ le kekele bé bé asɔnɔn eyɔɛ nun anwɔn ninngɛ. Kalata nun ati 3, Ɔ le kan atɔn'n m'Ɔ se ke asɔnɔn mgbain'n-mɔ nanndi sɔ nun ejɔɛ. Kalata nun ati 4.7-6.21, Pɔlv le wowula Timote anwɔnsele ke Ɔ lí junman'n Ɔ héhele Nyanmian Anɔan Ejɔɛ'n. Ɔ le

tu yí fɔɔ kɛ ɔ si yɔ nán ɔ'a nɛnian menian fâ fâ'n-mɔ mɔ bɛ wɔ asɔnɪn nɪn anun nɪn asɔ kɛ Zozi Kilisi akva kpa'n yɔ yí'n. Kalata nɪn agualɛ nun, Pɔlv ɛ wowula Timote anwɔnsɛɛ kɛ ɔ hɔn dedi nɪn ati kvan kpa'n.

¹ Timote,

Mɪn Pɔlv mɔ n dɪ Kilisi Zozi bɔfɔvɛ'n, ɔ fi Nyanmɪan m'ɔ tɪ yɛ Ngvandefɔvɛ'n, ɔ nɔn Zozi Kilisi m'ɔ tɪ yɛ susuguasɔ'n dunman nun, mɪn yɛ mɪn kɛɛ kalata ɛhɪ mɪn nwan wɔ ɔ.

² Wɔ dedi nɪn ati, mɪn bu wɔ kɛ mɪn kunnun baa kpa bɔkɔɔ. Mɪn 'bisa wɔ ahɪn mɪn yɔ wɔ ɛcian'n mɔ.

Nyanmɪan m'ɔ tɪ Siɛ'n, ɔ nɔn Zozi Kilisi m'ɔ tɪ yɛ Mɪn'n, bɛ nwún wɔ nwɔn anwunnvoe, bɛ yɔ wɔ ye, bɛ cíci wɔ lva.

Ato ngehelefɔvɛ'n-mɔ

³ Ɛjɔlɛ'n mɔ mɪn 'kɔ Masedɔvanɪn mân nɪn anun mɔ n ganlɪn n geleli wɔ'n, mɪn kacɪ wɔ biekun. N zeli wɔ kɛ ɛ tánlan Efɛzɪ kulo nɪn asɔ nán ɛ tótua ato ninngɛ'n mɔ menian'n mmie-mɔ ɛ kekele wɔ asɔnɪn nɪn anun'n.

⁴ Kan kele bɛ kɛ bɛ yáci ɛhva m'ɔ man sɔanlan minlin yí dedi m'ɔ le yí wɔ Kilisi nun'n, nɔn bɛ nannan-mɔ dunman nɪn anwɔn akpɔlvwa ndɪndɪn esue'n. Ɔ man ngondin ba, ɔ man sɔanlan nnyan man dedi'n mɔ Nyanmɪan nanndɪ sɔ ɔ de yí'n.

⁵ Mɪn tu wɔ fɔɔ sɔ'n, yí dɪɛ, anɪn asɔnɪn mma'n-mɔ nyan ehulo wɔ bɛ afian, ehulo m'ɔ fi ahɔnlɪn mɔ nun a tɪ, m'ɔ tɪ fufue, mɔ de Nyanmɪan dɪ sakpa.

⁶ Menian'n mmie-mɔ fi abalabɔ atɪn kpa nɪn asɔ b'a jasɔ b'a fa bɛ nwɔn b'a wula ɛjɔlɛ mgban-mgban'n-mɔ anun.

⁷ Bε kulo κε βε γῶ Nyanmian *mala'n ngehelefβε, nan kusυ ejῶλε mῶ βέ muonun βε λε kan'n, βε ndi man yí bu, εσε ninng'e'n muonun mῶ βε jin su cinnjin βε λε kele'n, βε ndi man yí bu.

⁸ Yε sι κε Nyanmian mala'n tι kpa, σε svanlan di su kpa a.

⁹ Afi ye sι κε menian mῶ βε bῶ bala kpa'n, nán βé ti yê Nyanmian Kpili kpeli mala'n tυli ebele ɔ. Nan menian mῶ βε bῶ bala εte'n, βé mῶ βε jasυ Nyanmian akῶmun anun'n, βé mῶ βé ti akunnun tι εte'n, ɔ nun εtefβε'n-mῶ, βé mῶ βé nyin nzῶ Nyanmian mῶ βé nyin ci ninng'e mῶ βε tι nwannzan-nwannzan'n, βé mῶ βε kun βé sι nun βé nin-mῶ, βé mῶ βε tι kodiawu βε di awue,

¹⁰ βé mῶ βε γῶ satɪfβε ninng'e'n, mmelenzua mῶ βε nun βé manngυn mmelenzua da anaan mmalasua mῶ βε nun βé manngυn mmalasua da'n, βé mῶ βε tῶnin menian maan βε kaci nganga'n, βé mῶ βε di ato, ɔ nun βé mῶ βε kan ato ndâ, ɔ nun βé mῶ βε γῶ εte ngacile ngacile dῶun biekun m'ῶ nun ananhῶle ngehele kpa'n tι man kun'n. Bé ti yê Nyanmian kpeli mala'n tυli ebele ɔ.

¹¹ Ananhῶle ngehele sῶ'n y'ῶ le m'ῶ wῶ Ejῶlekpa'n mῶ b'a fa b'a wula mín sa nun nin anun'n. Anun-minnyanmυn Ejῶlekpa sῶ'n fi Nyanmian m'ῶ tι nyila baka nin εῶ.

Pῶlv 'ba la Zozi Kilisi asɪ

¹² Yé Mɪn Zozi Kilisi mῶ ɔ'a wula mín anwῶnsele wῶ mín junman elie nin anun'n, mɪn 'da yí asɪ. Mɪn 'da yí asɪ κε ɔ'a bu mín svanlan ɔ'a fa yí junman'n ɔ'a wula mín sa nun.

¹³ Mɪn mῶ daba mɪn kan ejῶle εte mɪn tia yí, mῶ εσε mɪn kele yí menian'n-mῶ yale kpa'n, Zozi a nwun

mín nwɔn anwunnvoe. ɔ sanlɪn kɛ daba, anɪn mɪn nne man yí mɪn nni man, ɛɛ anɪn mɪn nzi man kɛ like ɛtɛ yê anɪn mɪn yɔ ɔ.

14 Yé Mɪn a nwun mín nwɔn anwunnvoe kpili sɔnman. ɔ'a man mɪn nɔn Zozi Kilisi y'a yɔ kɔn, mɪn de yí mɪn di, ɛɛ n ne yí nwɔn ehulo.

15 Ejɔle kɔn m'ɔ tɪ ananhɔle ejɔle m'ɔ sɛ kɛ yɛ de yɛ di'n y'ɔ le kɛ Zozi Kilisi a a m̃n nɪn anun kɛ ɔ 'ba le ɛtɛfɔe'n-mɔ ati ngɔan. Nan ɛtɛfɔe'n-mɔ anun kpain'n y'ɔ le mín Pɔlv.

16 Nan Nyanmɪan a nwun mín nwɔn anwunnvoe. Afɪ mín mɔ n di ɛtɛfɔe'n-mɔ kwalaa anun kpain'n dunman nun, bé mɔ bɛ 'ba le Zozi Kilisi bɛ di bɛ nyan ngɔan m'ɔ le man ayueliɛ'n, bɛ 'ba nwun yí kɛ Zozi Kilisi si abɔtalɛ kpa.

17 Belemgbɪn mɔ yí mɛle'n le man ayueliɛ, m'ɔ tɪ asɪ cɪan daa m'ɔ tɪ Nyanmɪan baa kɔnmgbɛ ceɪn mɔ bɛ nnwun man yí'n, asasɔe nɔn anunmɪnnyanmɔn hán yí dahuu! Amin!

Like mɔ Pɔlv nwan Timote yɔ'n

18 Mɪn wa Timote, junman'n mɔ m'an hele wɔ kɛ ɛ lí'n y'ɔ le kɛ ɛ tótua ato ninngɛ'n mɔ menian'n mmie-mɔ le kekele yí ɛlɔ asɔnɪn nɪn anun'n. Junman sɔ'n tɔ de wɔ nwɔn ejɔle'n mɔ Nyanmɪan mgbɔmanfɔe'n-mɔ lili mɔa hanlɪn'n. Sɛ ɛ di ejɔle sɔ nɪn asɔ a, ɛ 'ba hɔala kɔan kpa'n kɔn,

19 ɛ tila dedi'n mɔ ɛ le yí nɪn anun, ɛ nyan ajɔnlɪn kpa mɔ ahunnun nditɛ nnɔn man yí nwɔn'n. Nan menian'n mmie-mɔ a ndie man afɔtu sɔ'n, ɔ man b'a minlɪn bé dedi'n.

20 Menian sɔ'n mmie-mɔ y'ɔ le Imene nɔn Alegızanndılı. M'an yɪ bé m'an man Abɔnsanmɔn

maan be nwun yí ke Nyanmian anwòn ejòle ete ehan'n tì man like kpa.

2

Be yó asònun be mán menian'n-mò kwalaa

¹ Ehi, like mò mun sèle ke be lí mva be yó'n y'ò le ke be bútv bé nwòn be héle Nyanmian, be yó asònun, be sèle Nyanmian be mán menian'n-mò kwalaaatin, ese be lá Nyanmian asi.

² Emò sèle Nyanmian be mán mmelemgbin'n-mò, ò nun bé kwalaa mò be le tunmin be sie mân'n. Yí dié, anin ye tanlan wò anzònunjò nun, ye nyan yé nwòn ye sù Nyanmian, ye bò bala m'ò sò yí nyin.

³ Like m'ò tì kpa mò Nyanmian m'ò tì yé Ngwandefòe'n kulo nin anin.

⁴ Afi ò kulo ke menian'n-mò kwalaaatin nwun ananhòle atin'n be nyan bé ti.

⁵ Ò sanlìn ke Nyanmian tì baa kònmgba cein. Svanlan kusu m'ò di kulo menian'n-mò nun Nyanmian asafian'n tì baa kònmgba cein. Svanlan sò'n y'ò le Kilisi Zozi m'ò kacili yí nwòn kulo svanlan'n.

⁶ Yí muonun, ò'a fa yí nwòn ò'a bò afòle ò'a yí tée ò'a tua kulo menian'n-mò kwalaaatin ete nin ati kale. Mò temò'n juli'n, Kilisi yòli yí sò maan be nwunlin yí ke Nyanmian kulo ke kulo menian'n-mò kwalaaatin nyan bé ti.

⁷ Ehika ati, ò'a yí mín ke n gán yí Nvan Ejòle'n, ese n gáci yí bòfòe m mán bé mò be tì man Zúfo'n nyán dedi ese be nwún ananhòle nin anwòn atin'n. Ananhòle yê mun kan ò, mun nni man ato.

⁸ Yí ti, mun kulo ke lika kwalaaatin, mmelenzua'n-mò sèle Nyanmian. Be 'sèle a, be kúku bé sa'n-mò asu

anwunno wɔ anwɔntɛ nun, bɛ yɪ bɛ kunnun, nán bɛ man akpɔɔwɔ esue ba bɛ afian.

⁹ Ɛsɛ mɪn kulo kɛ mmalasua'n-mɔ kɔsɔ wowula bɛ nɔwɔn kɛ ɔ sɛ fata'n. Nán bɛ wowula bɛ nɔwɔn bɛ kekele bɛ nɔwɔn, nan bɛ wɔwɔwula bɛ nɔwɔn kɛ ɔ sɛ fata'n. Nán bɛ nwan bɛ ti'n-mɔ ngacile ngacile, nán bɛ sisa njɔbaba'n-mɔ bɛ sesie bɛ nɔwɔn, nán bɛ kala ɛtanlan mɔ yɪ gua yɔ sɪ'n bɛ kekele bɛ nɔwɔn.

¹⁰ Nan bɛ bɔ bala kpa m'ɔ sɛ kɛ mmalasua mɔ bɛ ɛ sɔ Nyanmɪan'n bɔ'n.

¹¹ ɔ sɛ kɛ mmalasua'n-mɔ bɛbɛle bɛ nɔwɔn asɪ, bɛ tánlan koun, bɛ tíe ninngɛ'n mɔ mmelenzua'n-mɔ ɛ kekele'n.

¹² Mɪn ngulo man kɛ balasua kekele ninngɛ anaan ɔ fɔ belenzua sɔ. Nan mɪn kulo kɛ ɔ sie yɪ nɔwɔn'n koun.

¹³ ɔ sanlɪn kɛ Adamɔn yɛ Nyanmɪan lili mɔɔa ɔ bɔli yɪ asannan nán ɔ'a bɔ Ɛvɔ kɔsɔ ɔ.

¹⁴ Nán Adamɔn yɛ bɛ lakali yɪ ɔ. Nan balasua'n yɛ bɛ lakali yɪ mɔ yɪ nyɪn a nzɔ man Nyanmɪan ɔ.

¹⁵ Nan kɔsɔ, yɪ biala, kɛmɔ balasua'n tɪ ɛta'n, sɛ ɔ bɔ mɔndɪnlɪn ɔ tila yɪ dedi nun anun, ɔ kulo Nyanmɪan ɔ tanlan wɔ anwɔntɛ nun nán ɔ'a ngele man yɪ nɔwɔn an, ɔ 'nyan yɪ ti.

3

Asɔnun nun asɔ mgbain'n-mɔ

¹ Ɛjɔɛ ɛhi mɔ mɪn kan'n tɪ ananhɔɛ: sɛ sɔanlan kɔn kulo kɛ ɔ di asɔnun nun asɔ kpain an, anɪn like kpa yɛ ɔ'a kpɔnndɛ ɔ.

² Nan kɔsɔ sɔanlan mɔ ɔ 'di asɔnun nun ati'n, ɔ di kɛ ɔ yɔ sɔanlan mɔ bɛ nnyan man yɪ nɔwɔn ɛjɔɛ ɛtɛ fɪí bɛ ngan man. ɔ ja balasua kɔnmgbɔ cein. ɔ sɪ yɪ

nwɔn sisa. Ɔ 'yɔ like a, ɔ jɔnlɪn yɪ nwɔn kpa. Ɔ bɔ abalabɔ m'ɔ fata, ɔ man menian'n-mɔ anyɪn sɔ yɪ. Sɛ sɔanlan ba tɔ yɪ a, ɔ sɔ yɪ nun kanlanman. Ɔ ti sɔanlan m'ɔ kwalala like kele.

³ N'ɔ yɔ kɔnɔnmɪnnzan, ɛɛ n'ɔ yɔ sɔanlan kpukpo-kpukpo. Ɔ ti sɔanlan mɔ yɪ ahɔnlɪn la asɪ m'ɔ mgbɔndɛ man butule. N'ɔ yɔ sɔanlan mɔ yɪ nyɪn bɔlɔ esika.

⁴ Ɔ yɔ sɔanlan mɔ yɪ muonun ɔ kwalala yɪ awulo nun asɔ nɪan, mɔ yɪ mma'n-mɔ anyɪn sɔ yɪ kpa.

⁵ Ɔ sanlɪn kɛ sɔanlan mɔ yɪ muonun ɔ ngɔlala man yɪ awulo nun asɔ nɪan'n, ɔ 'yɔ sɛ nán ɔ'a hɔlala ɔ'a nɪan Nyanmɪan Kpɪli asɔnɪn mma'n-mɔ asɔ?

⁶ Nán man ɔ yɔ sɔanlan mɔ beɛ mɔ ɔ'a fa yɪ nwɔn ɔ'a man Nyanmɪan. Afɪ ɔ kwalala kɛ ɔ tu yɪ nwɔn kɛ Abɔnsanmɔn yɔlɪ yɪ mɔ yɪ ti yê Nyanmɪan 'ba bua yɪ ndɛɛ'n.

⁷ Ɔ fata kɛ ɔ yɔ sɔanlan mɔ bé mɔ bɛ nzi Nyanmɪan'n de yɪ di, nán b'a ngɔlɔ man yɪ nwɔn, nán Abɔnsanmɔn kɔsɔ asa a ngan man yɪ.

Asɔnɪn nun asɔ bɔkafɔɛ'n-mɔ

⁸ Asɔnɪn nun asɔ bɔkafɔɛ'n-mɔ kɔsɔ, ɔ fata kɛ bɛ yɔ menian mɔ bɛ fɛlɪ bé, mɔ bɛ di ananhɔlɛ. Nán bɛ yɔ kɔnɔnmɪnnzan, nán bɛ yɔ menian mɔ bé nyɪn bɔlɔ esika.

⁹ Ɔ fata kɛ bɛ nyan ajɔnlɪn kpa nán b'a tila bé dedi'n m'ɔ ti nɪalɛ nun like nun anun kpa.

¹⁰ Menian sɔ'n-mɔ, bɛ sá bé nɪan kwalalaaka, nán sɛ ɛmɔ a ndɪ man bé nwɔn ɛjɔlɛ ɛtɛ fɪí a, beɛ mɔ anɪn bɛ lɛ ba li junman sɔ nɪn ɔ.

¹¹ Ɔ sɛ kɛ bé yɪ-mɔ kɔsɔ yɔ mmalasua mɔ bɛ fɛlɪ bé. Nán bɛ yɔ mmalasua mɔ bɛ kan menian anwɔn

ejɔle ete be seci bé dunman. Be lé bé nwɔn be lí. Be lí ananhɔle wɔ ninngɛ kwalaa anun.

¹² Ɔ se ke asɔnɔn nɔn asɔ bukafo'e'n-mɔ já balasua kɔnmgba cein, ese be hɔala be nían bé mma'n-mɔ nɔn bé awulo nɔn asɔ kpa.

¹³ Afi bé mɔ be di bé junman'n kpa'n, menian'n-mɔ anyin sɔ bé, ese bé dedi'n mɔ be le yí wɔ Zozi Kilisi anun'n, ɔ jinlan yí ja nun kpa.

Nyanmian nvialɛ nun like kpili kpa'n

¹⁴ Timote, mɔn kele wɔ kalata ehi, n ne anyɔndasɔe ke ɔ ngɔ hye man fíi mɔn 'ba a wɔ nwɔn elɔ.

¹⁵ Nan kɔsɔ se mɔn ce nán m malɔ man an, kalata ehi 'ba hele wɔ bala m'ɔ se ke Nyanmian awulo amma'n-mɔ bɔ'n. Nyanmian awulo amma sɔ'n-mɔ y'ɔ le Tiasifo'e Nyanmian asɔnɔn mma'n-mɔ. Asɔnɔn mma sɔ'n-mɔ ti ke sua mpila, be suan ananhɔle'n.

¹⁶ Yé kwalaa ye nwun yí yuein, Nyanmian a yí nvialɛ nun like kpili kpa ɔ'a hele yé. Like sɔ'n y'ɔ le Zozi.

Ɔ'a kaci yí nwɔn kulo sɔanlan.

Nyanmian Wawɛ nɔn a hele ke

ɔ ti Nyanmian Awa sesefo'e.

Nyanmian mmɔfo'e'n-mɔ a nwun yí.

Yí nwɔn ejɔle'n, b'a bɔ

b'a hele mân nɔn anun menian'n-mɔ.

Mân nɔn anun menian'n-mɔ a le yí a li.

Ɔ'a fo ɔ'a hɔ nyanmiansɔ

wɔ anunminnyanmɔn nun.

4

Ato ngehelefo'e'n-mɔ

1 Nyanmian Wawε'n kan yí yuein ke mεε kasian nun anun, menian mmie-mə mma nne man Kilisi be nni man kón. Nan be 'fa bé nwun be bə ato ngehelefuε'n-mə, εεε be 'di wawε ετε'n-mə ngehele diε'n-mə asu.

2 Be 'man apoo mma atofuε'n-mə kolo bé nwan nun be laka bé. Atofue sə'n-mə, be le man ajonlun kón. Bé ajonlun'n ngan man ejole ngele man bé kón.

3 Be 'kekele ke ajaa'n ti man like kpa, εεε like mə be di'n, bie ti man kpa mə be di ə. Nan kusu Nyanmian bəli ninngε sə'n-mə ke menian mə be de Kilisi be di mə b'a nwun ananhəle'n, be yó asonun, be lá Nyanmian asi, nán be lí ninngε sə'n-mə.

4 Ninngε'n mə Nyanmian Kpili bəli'n, yí kwalaa ti kpa, baa kən nnən man nun m'ə ti man kpa ə. Yí ti ə se ke ye da Nyanmian asi nán ye sə yí kwalaa anun.

5 Ɔ sanlun ke Nyanmian Anwan Ejole'n nun asonun eyole'n, ə man ninngε kwalaa anwən ti wə Nyanmian anyunnun.

Zozi Kilisi akua kpa'n

6 Σε ε kekele anianman'n-mə ninngε εhi-mə a, ε 'ba kaci Zozi Kilisi akua kpa. Dedi nun anwən ngehele kpa'n mə ε nanndi su'n y'ə ti wó ekala nun alie ə.

7 Ehuε ejole mgban-mgban'n m'ə nun dedi'n ti man kən'n, yaci gua. Nan bə məndinlun fa wó nwun bə Nyanmian kpa.

8 Anwənnaan nun anun ekpunndian'n ti like kpa, nan kusu ə ti man cunnjun. Nan like mə be yə a, Nyanmian kulo'n, ə ti kpa wə like biala anun. Ɔ sanlun ke se ye bə bala sə nun an, anun ye si ke ye le ngwan m'ə le man ayuelie wə mεε εhi anun, ə nun mεε'n m'ə le ba nun anun.

⁹ Ejɔle ehi ti ananhɔle m'ɔ se ke sɔanlan de di ɔ.

¹⁰ Yí sɔ ati yê ye le di junman ese ye le kpili ɔ. Ɔ sanlin ke y'a fa yé anyɔndasɔe'n kwalaa y'a wula Tɔasifɔe Nyanmian'n m'ɔ ti menian'n-mɔ kwalaa Ngɔandefɔe nin anun. Nan kusɔ, menian mɔ be de yí be di'n, bé ala yê ɔ de bé ɔ.

¹¹ Kekele ninnge sɔ'n-mɔ nán kan fua sɔ kpa maan be yó.

¹² E ti batɔnman, kusɔ n'ε man sɔanlan fíi tutɔ wó nyunnun ngesele. Nan wó ejɔle nun o, wó abalabɔ nun o, wó ehulo mɔ ε fa kulo menian'n-mɔ o, wó dedi nun o, wó anwɔntie nun o, man menian mɔ be le dedi'n, be nían wó die nin asɔ be yó bie.

¹³ Kɔnnga Ehele Ejɔle'n bagua nun, kan Nyanmian Anɔan Ejɔle'n wowula asɔnin mma'n-mɔ anwɔnsɛ, ese kekele bé ninnge dede maan m mála.

¹⁴ Mele mɔ Nyanmian mgbɔmanfɔe'n-mɔ hanlin wó nwɔn ejɔle, mɔ asɔnin mgbain'n-mɔ falɔ bé sa fualɔ wó nwɔn'n, wawe nun junman'n mɔ Nyanmian falɔ manlin wó'n, n'ε bubu wó nyin gua sɔ.

¹⁵ Ti wó nyin di junman sɔ'n maan bé kwalaa be nwún yí ke ε le bɔ mɔndɔnlin.

¹⁶ Sie wó muonun wó nwɔn ye, ese nian wó ninnge'n mɔ ε kekele'n kusɔ asɔ, nán mian wó bu. Ɔ sanlin ke, se ε yɔ yí sɔ a, wó muonun ε 'nyan wó ti, ese bé mɔ be tie wó'n kusɔ 'nyan bé ti.

5

Pɔlv 'ba tu Timote fɔ

¹ N'ε fa ahɔnlin kpili kan ejɔle kekele sɔanlan kpain. Nan se ε 'kan ejɔle ε kekele yí ε tu yí fɔ a, bu yí ke

yí y'ɔ wɔli wɔ ɔ. Bu mgbafele'n-mɔ ke wɔ nianman mmelenzua y'ɔ le bé.

² Bu mmalasua mgbain'n-mɔ ke wɔ nin y'ɔ le bé. Bu ndalua'n-mɔ kɔsu ke wɔ nianman mmalasua y'ɔ le bé. Se ε 'kan ejɔle ε kele bé ε tu bé fɔɔ a, kan wɔ anwɔntie nun kpa bɔkɔɔ.

Kunlannvɛ'n-mɔ

³ Kunlannvɛ mmalasua'n-mɔ mɔ be le man sɔanlan fíi m'ɔ bɔka bé'n, nian bé lika wɔ anyinnzɔ nun kpa.

⁴ Nan se kunlannvɛ balasua kɔn le yí mma-mɔ a, anaan yí nnɔnman-mɔ a, kekele bé ke bé Nyanmian junman'n m'ɔ fata ke be di mɔa be di'n y'ɔ le ke be nían bé nɔwɔn amma'n-mɔ. Be yɔ yí sɔ be síe mɔ bé nɔwɔn amma'n-mɔ yɔli manlɔn bé nɔn abɔsu. Yí sɔ yê Nyanmian Kpili kulo ɔ.

⁵ Balasua m'ɔ ti kunlannvɛ sakpa, m'ɔ le man sɔanlan fíi m'ɔ nian yí'n, yí die, ɔ fa yí lɔa'n kwalaa ɔ wula Nyanmian Kpili asa nun. ɔ bɔ mɔndɔnlɔn ɔ sele yí kɔngɔe nɔn eyua ke ɔ nían yí su.

⁶ Nan kunlannvɛ m'ɔ le di mán'n, se yí nyɔn wɔ su bɔbɔ a, anɔn ɔ ti ke ɔ'a wu.

⁷ Kan ejɔle sɔ'n kele bé, nán sɔanlan fíi a nnyan man bé nɔwɔn ejɔle ete a ngan man.

⁸ Afɛ se sɔanlan kɔn nnian man yí nɔwɔn amma'n-mɔ, cilili yí ata die nɔn anɔn menian'n-mɔ a, anɔn ɔ ti ke ɔ'a yaci yí dedi'n ɔ'a tɔ. Sɔanlan m'ɔ nzɛ man Nyanmian'n ti kpa tala yí.

⁹ Kunlannvɛ balasua mɔ ε 'ka yí wula kunlannvɛ'n-mɔ anun'n, man ɔ yɔ balasua mɔ ɔ'a li afɔe abulasian, m'ɔ jalɛ belenzua kɔnmgba cein.

10 Ɛse ɔ yɔ balasua mɔ menian'n-mɔ bɔ yɔ dunman kpa, mɔ ɔ'a ta yɔ mma'n-mɔ kpa, mɔ eyɛfue tu yɔ a, ɔ sike yɔ kanlanman, ɔ nwunnzin Nyanmian menian'n-mɔ aja nun anwɔn, ɔ buka alɔabɔfue'n-mɔ, mɔ ɛse ɔ yɔ nyɔɔie ngacile kpa'n kɔalaatin'n.

Kunlannvɛ ndalua'n-mɔ

11 Nan kunlannvɛ ndalua'n-mɔ, n'ɛ ka bɛ wula nun. Ɔ sanlɔn ke se bian ajaa ejɔle tɔ bɛ ti anun an, anɔn b'a kaci bɛ nzin b'a si Kilisi.

12 B'a tɔn ndâ'n mɔ be lili mɔa be hanlɔn wɔ Kilisi anyunnun'n.

13 Se bɔbɔ ɛ keɛ bɛ dunman an, be nyɔ man like kpa fɛi, nan be cinnin awulo'n-mɔ anun. M'ɔ ti yale bieku'n y'ɔ le ke adawu mgbili ebɔ nun cenjin yê be di ɔ. Ejɔle m'ɔ nvata man mɔ be kan'n yê be kan ɔ.

14 Ehika ati, mɔn kulo ke kunlannvɛ ndalua'n-mɔ já mmian, be wɔ mma, be nɔan bɛ awulo'n-mɔ asu, nán bɛ mɔ be kpɔ yɛ nun a nnyan man yɛ nwɔn ejɔle ɛte a ngan man.

15 Mɔn kan sɔ, ɔ sanlɔn ke bɛ mmie-mɔ fi ananhɔle atin nun asu b'a jasɔ dada angɔnmɔn b'a fa Abɔnsanmɔn diɛ nun asu.

16 Se balasua kɔn le dedi nán kunlannvɛ mmalasua-mɔ gua yɔ sa su a, ɔ nɔan bɛ. N'ɔ yaci bɛ tu asɔnɔn nun asa su, nán asɔnɔn nun a hɔala ɔ'a nɔan kɔnlannvɛ mmalasua'n-mɔ mɔ sakpa be le man sɔanlan fɛi m'ɔ nɔan bɛ'n.

Asɔnɔn nun asu mgbain'n-mɔ

17 Asɔnɔn nun asu mgbain'n-mɔ mɔ be nɔan asɔnɔn nun asu kpa'n, ɔ fata ke be man bɛ anyunnzɔ nun ahatua kpa, nán yɔ lili bɛ mɔ be kan Nyanmian Anɔan Ejɔle'n, mɔ ɛse be kekele ninngɛ'n.

18 M'ò man mun kan sò'n y'ò le ke, b'a hèle wò Ehèle Ejòle nun anun ke: *Enalè'n m'ò le tetia *bele nun asv'n, n'è cici yí nvan'n.* Èsè b'a hèle yí biekun ke: *Svanlan m'ò le di junman'n, yí ahatua m'ò fata'n, bè fá bè mán yí.*

19 Asònin nun asv kpain kòn mò bè kò tòn yí esvan'n, sè menian nnyuan anaan nsan a nni man yí nwòn adanzìe a, n'è de tì nun.

20 Bè mò bè kò yò like ètè'n, tu bé nyunnun bagua nun maan ehunlìn-mò súlo nán bé kùsù b'a nyò man ètè sò'n bie.

21 Nyanmian Kpili anyunnun, Kilisi Zozi nòn nyanmiansù mmòfòè'n-mò kùsù anyunnun, mun kan ndâ ke è lí ngehele sò-mò asv. Yí tì, n'è nian svanlan anyunnun wò like biala anun, n'è kulo menian'n-mò bie è yaci bie.

22 N'è ku fa wó sa sie svanlan ati asv, è fa asònin'n junman wula yí sa nun, ò sanlìn ke sè ò'a yò ètè a, yí ètè sò'n 'kan wó bie. Wó muonun, nian wó nwòn kpa, man wó nwòn tí.

23 Kemò wó kù'n jùjì wó m'ò man è nje man nán a fòkè'n, n'è nòn nzue ngònmìn ala, nan nòn divìn nganngan.

24 Menian'n mmie-mò ètè mò bè kò yò'n, bè di mva bè nwun yí yuein kòalaaka nán b'a bua bé ndèè'n. Nan mmie-mò kùsù diè'n, bè di mva bè bua bé ndèè kòalaaka nán b'a nwun yí ke b'a yò ètè.

25 Yí sò kùsù ala, nyòlè kpa mò svanlan kò yò'n, bè nwun yí yuein, yè nunhan kùsù mò bè ngvòla bè nnwun man yí èbèle ala'n, ò nvìa man lé.

6

Nganga'n-mò

¹ Bé kwalaa mɔ be ti nganga'n, be mán bé nyin só bé min-mɔ kpa, nán menian'n-mɔ a nzeci man Nyanmian dunman, ese b'a ngan man yé ngehele nin nwɔn ejɔle ete.

² Nganga mɔ bé min-mɔ de Kilisi di'n, nán be tua ke bé nianman y'ɔ le bé nin ati, be fa bé nyin be wowula bé nyunnun. Nan ɔ se ke be su bé kanlanman kpa. Ɔ sanlin ke be di bé junman'n be man bé mɔ b'a le yé Min b'a li mɔ be kulo bé'n nyan su nvasɔe. Kekele ninngɛ sɔ'n maan be yó.

Ato ngehele'n non anyanbenwɔn kpa'n

³ Se sɔanlan bie kekele ninngɛ ngacile ngacile, nán ɔ nni man yé Min Zozi Kilisi anwɔntɛ ejɔle'n-mɔ asu ɔ non ngehele'n m'ɔ man be bɔ abalabɔ m'ɔ sɔ Nyanmian anyin nin an,

⁴ anin sɔanlan sɔ'n ti atubenwɔn sɔanlan. Ɔ nzi man like fíí. Yí like m'ɔ la yí nwɔn ke anwɔnnyale'n y'ɔ le ninngɛ'n-mɔ anwɔn akpɔɔwa esue non etian'n. Ke ɔ yɔ mɔ menian'n-mɔ fa bé nwɔn ekpɔ be di butule, be kpe nzɔba, be kan bé nwɔn ejɔle ete,

⁵ be su akpɔɔwa ndɔndɔn bé afian nin anin. Afí bé ajɔnlɔn nin a yɔ mgban-mgban, be nzi man ananhɔle nin anwɔn ejɔle fíí kón. Be jɔnlɔn ke Nyanmian anwɔn dedi'n mɔ ye le yí'n, ɔ ti like mɔ be fa be kpɔndɛ anyanbenwɔn.

⁶ Ɔ ti ananhɔle, Nyanmian anwɔn dedi'n mɔ ye le yí'n, ɔ ti anyanbenwɔn like kpili kpa man sɔanlan mɔ yí nyin sɔ yí dɛ kaan m'ɔ le yí'n.

⁷ Ɔ sanlin ke mɔ ye 'ba mân ehi anun'n, ye non like fíí a mma man, yê se ye 'sa ye kɔ a, ye ngwala man bie non kɔ.

⁸ Εἰκα ἀτι, σε γε νῦν ἀλλε γε δι, γε νῦν ταλαίε γε
wula a, εἰ ἀλα σα γέ.

⁹ Nan menian mɔ be kulo ke be nyan bé nwɔn'n,
menian sɔ'n-mɔ, be tɔ sɔnian nin anun ke ngaa.
Ninngɛ mgban-mgban m'ɔ man menian seci bɔkɔ-
bɔkɔ, ese bé busu bɔ'n yê be kulo ɔ.

¹⁰ Afɪ ete ngacile'n kwalaa fi esika anyɪnbulu'n.
Menian mmie-mɔ anyɪn a bulu esika'n dede b'a
yaci bé dedi'n b'a tu muɔ, b'a fa bé nwɔn b'a wula
emian ngacile dɔɔn anun.

Pɔlw 'ba tu Timote fɔɔ

¹¹ Nan wɔ diɛ, ε ti Nyanmian sɔanlan, n'ε yɔ
ninngɛ sɔ'n-mɔ bie. Yɔ nyɔliɛ kpa. Fa wɔ nwɔn
bɔ Nyanmian seɛ kpa, nyan dedi, nyan ehulo, si
abɔtalɛ, yɔ betɛɛ.

¹² Bɔ mɔndɪnlɪn kpa, man wɔ asitanlan'n nɔn wɔ
dedi'n yɔ kɔn. Kpɔndɛ ngɔan m'ɔ le man ayueliɛ'n
mɔ Nyanmian a feɛ wɔ ke ε nyán yí'n. ɔ sanlɪn ke yí
ti yê ε lili wɔ dedi nin anwɔn adanzɪɛ kanlanman
wɔ menian dɔɔn anyunnun ɔ.

¹³ Nyanmian Kpili m'ɔ man ninngɛ kwalaa ngɔan
nin anyunnun, ɔ nɔn Kilisi Zozi m'ɔ lili yí dedi
nin anwɔn adanzɪɛ kanlanman wɔ Pɔnsu Pilati
anyunnun'n kɔsu anyunnun, mɪn kan ndâ ke

¹⁴ ε lí ejɔɛ'n mɔ m'an hele wɔ nin asu, ese ε síe wɔ
nwɔn kɔnlɔn-ngɔnlɔn nán b'a nnyan man wɔ nwɔn
ejɔɛ ete b'a ngan man. Yɔ yí sɔ dede m'ɔ jú cɪan mɔ
yé Mɪn Zozi Kilisi 'yɪ yɪ nwɔn kele'n.

¹⁵ Cɪan'n mɔ yé Mɪn Zozi 'yɪ yɪ nwɔn kele'n,
Nyanmian yê ɔ 'kele ɔ. Nyanmian sɔ'n, yí ngɔnmɪn
cein y'ɔ ti Belemgbin ɔ, ɔ ti salɛ baka, ɔ ti

mmelemgbin'n-mə Belemgbin, ɔ ti munlian'n-mə Amin.

¹⁶ Yí kɔnmgba cein ala yê yí die ɔ nwu man lé ɔ. Jawe'n m'ɔ ti nun'n, sɔanlan fíí ngɔala man yí nwɔn kpunngɛ. Sɔanlan fíí nwunlin man yí lé, yê sɔanlan fíí ngɔala man yí nwɔn kpunngɛ. Kulo sɔanlan fíí nwunlin man yí lé, yê kulo sɔanlan fíí ngɔala man kɛ ɔ nwun yí. Asasɔɛ nɔn tunmin yó yí die cian daa! Amin!

¹⁷ Bé mə b'a nyan m̄an ɛhɪ anun ninngɛ'n, tu bé fɔɔ kɛ nán bɛ fa bɛ tu bé nwɔn. Se bé kɛ nán bɛ fa bé anyɪndasɔɛ'n bɛ tɔ anwɔndiɛ'n m'ɔ nɛɛ man nán ɔ'a sɛci nɪn asɔ. Nan bɛ fá bé anyɪndasɔɛ'n bɛ tɔ Nyanmian Kpili asɔ. Yí mə sɛ ɔ 'fa like man yé a, ɔ man yé dɔɔn kpa maan yɛ di nun fɛ'n.

¹⁸ Tu bé fɔɔ kɛ bɛ yó nyɔliɛ kpa, bɛ mán yɛ ɛyɔlɛ'n tí bé kpa, bɛ yó ahunnunye, ɛsɛ bɛ búka ɛhɪnɪn-mə.

¹⁹ Sɛ bɛ yɔ yí sɔ a, ɔ ti kɛ anwɔndiɛ m'ɔ ti kpa, ɛsɛ ɔ nzɛci man yê bɛ lɛ kokuan bɛ sie bɛ man bé nwɔn wɔ mɛlɛ'n m'ɔ lɛ ba nɪn anun ɔ, nán b'a hɔala b'a nyan ananhɔlɛ ngɔan kpa'n bé asitanlan nɪn anun.

²⁰ Timote, like'n mə Nyanmian a fa a wula wó sa nun'n, nian sɔ kpa. ɛjɔlɛ mgban-mgban'n m'ɔ nɔn dedi'n ti man kɔn'n, n'ɛ tie bie, ɛsɛ bé ninngɛ'n mə bé nwan bɛ sɪ yí nan kɔsɔ ɔ ti ato mə bɛ lɛ kele'n, n'ɛ suan bie.

²¹ Like ati m'ɔ man mun kan sɔ'n, y'ɔ lɛ kɛ menian mmie-mə bu bé nwɔn kɛ bɛ sɪ ananhɔlɛ ngehele'n kpa, bɛ nne man ananhɔlɛ ngehele kpa'n mə yɛ kekele'n bɛ nni man. ɔ man bɛ fi dedi atɪn nɪn asɔ b'a jasɔ.

Nyanmian nwún ɛmɔ anwɔn anwunnvoe.

Anyin

Anyin: Nyɔhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files
dated 26 Apr 2025

b4bf56fc-6e3d-5a7c-9f55-25d2c3645a88